

喙

鳴

文

集

喙鳴文集卷十五目錄

墓誌銘

張明成父贈公來齋墓誌銘

張明成母陳太淑人墓誌銘

鄭邦章大父墓誌銘

寧波知府程公墓誌銘

崔御史母劉氏墓誌銘

范處士暨配張氏合葬墓誌銘

袁體文墓誌銘

高誠初墓誌銘

管世臣父贈給事中管公墓誌銘

慶士梁雪松暨配合葬墓誌銘

贈鄞縣知縣華公暨配墓誌銘

工部主事李適菴墓誌銘

兗州知府朱寧江暨配合葬墓誌銘

李子靜御史墓誌銘

貴陽知府龍泰渠暨配墓誌銘

江西僉事徐子器墓誌銘

吉安知府三岡葉公墓誌銘

通許令錢君墓誌銘

明故江涪陵公墓誌銘

喙鳴文集卷十五

四明 沈一貫肩吾 著

墓誌銘

張明成父大官丞贈翰林院編修來齋墓誌銘

南昌之張以醫燦大燦精其術又仁歿而顯靈于鄉至今鄉人祝神聖張先生云子昇世之遇貧人藥不請而給常陰施錢病簣下種德如此其先汴人也勝國時有宜春令景福徙南昌至昇五世矣

昇生瑞瑞生元春弘治壬戌進士梧州郡守內子
江夫人生三子而來齋則尤氏母出名賀字懋脩
少而愛江夫人晚多病尤氏母攝食指繁三兄皆
長兄也而梧州嚴每譙讓則母子跪謝霽而後即
安嚴事諸兄躬菲薄未嘗以愛私自童子稱孝弟
矣補弟子員為太學生五舉不第拜大官丞旬日
致仕歸或曰何亟也公曰大官之養遙不逮親孰
與城南二頃田時梧州及江夫人皆前卒獨尤氏
母存娟娟思之故執喪甚哀忌日為小兒啼春秋

上冢風雨必躬舉事必曰禮何如世俗不足法公
為人魁容易衷善名理雖褻足世塗然四方屨常
在戶而公遇之貴顯與村氓等虛往實歸受弟之
業不為程曰吾安能牛馬驅子有少年齟齬公避
之謹此人後罹禍幸其敗者跡事至公公終不言
初梧州不究伯氏搢里先生布衣而談當世嘗與
公上下議論若家事然立諸子而聽之公又日取
邸報潤色以耳目起嘉靖癸卯迄辛酉以授諸子
及公後十年而子位為太史脩兩皇帝紀多采

父書云公生癸酉距辛酉五月病所居夜浮動有
光柱後聲劃然蓋異人也享年四十有九贈翰林
院編脩配孺人陳子三位其長次佩次化皆諸生
女二一嫁諸生葉懋一嫁知州趙來亨孫男大經
大緯大圭大辰孫女六墓在鄧家埠鳳皇山之原
一貫與位及來亨同舉進士為之銘銘曰世言老
子以閱世久實不然道生天地吹累萬物蓋大旃
邈矣貞人隱鱗歛采守我玄得全全昌昌其世胤
觀此

張明成母陳太淑人墓誌銘

豫章張明成母陳太淑人卒緘鄧太史狀百舍重
趼來徵銘初一貫與明成同舉戊辰輒不知氣味
投也已在秘館共居食者三年守史局直講偉一
動靜必俱洞心達腸吾兩人膠漆也於太淑人為
通家子聞其家政勅勅善題目人無所失不入品
戒其子弗得游一貫居恒自嚴患明成與其太淑
人吐也廼離索久矣而明成來屬豈尚齒於賢子
母邪不然明成安能以不肖人語殉母哉太淑人

名家女祖方伯陳公奎父工部郎冠皆祀學宮而
母張則學士東白公女也年十八歸贈侍郎來齋
公為南洲太守少子婦嫡姑江泚人而贈公所生
為尤淑人太淑人居兩姑間具得其歡心江泚人
之喪昆弟析產久矣太淑人曰予生事之未敢有
異也忍以死異哉盡出所有佐費尤泚人春秋高
扶左扶右不去側疾則以身禱喪益虔故尤泚人
祝天願報新婦如古崔氏母贈公兄弟友甚而太
淑人在姊妹間亦過自婉異析產時田取其確者

屋取其陋者器物取其苦竅減獲取其擁腫者贈
公知太湣人顧之也贈公好施然不喜治生至假
屋以居而太湣人從內持之不乏纔年三十曰吾
舉子女矣輒以莊見日相與掃地焚香誦內典策
發諸子贈公以慈而太湣人更嚴其相佐如此其
後從明成在京師日有訓辭明成每直講輒迎門
問所講云何於天子有裨萬分不江陵之起復
也明成忤焉出為南司業竟不免而太湣人以爲
榮壬午明成起佐徐州轉符璽丞頃之為祭酒太

泚人駭勉勿替乙酉擢詹事領翰林再直講廷又以少宗伯兼侍讀學士為吉士師輯會典成給父祖誥命食二品俸人謂明成且大用而太泚人則以盛滿為憂督之歸歸之明年再召起太泚人不許明成之進退矍然為世所重固其性哉亦太泚人安之也江以右士大夫講於大節太泚人高明練於內外家之訓遂以明成顯不愧范滂蘇軾母太泚之素動必由禮閥以外不苟跼所御中衣必躬浣雖侍婢莫近時時引繩侍者有如言笑毛

毫不然終身遂不收而性又堅貞無論言可復也
雖心所盟終不渝也待人更平恕口不言是非好
施予聆號啼聲輒欲推哺之時市藥物施人治道
途橋梁置義田建祠堂以收族人又戒非賓祭不
殺蓋自贈公沒素食強半而後于舟中聞殺聲遂
勅斷肉於羽毛螺蚌歲鬻百億縱之以為快又甚
敬祠即非本生亦使使掃墓不輟曰是由先君子
之道也昔者歲時乾餼未嘗敢不集也常以一榻
習靜得定力晏然而逝春秋七十六矣五孕皆成

明成者長子位也娶曹泚人次佩光祿寺署丞娶
孫氏繼朱氏次化上林苑監署丞娶余氏長女適
葉懋歲貢為歸安教諭次女適趙來亨我同年進
士為高郵知州孫男九大欽郡庠生大齡大夏大
昇大興餘幼未名孫女十沈一貫曰甚矣太泚人
似吾母也吾母不可作吾以知明成之悲也吾忍
銘銘曰有嫺泚人厥惟女師內外作型婉婉其儀
來嬪于京敬共櫛笄克讓成美躬其拮据爰啟偉
士授 天子書曰中與敬口不去詞進退由矩施

子適且斐然雲錦天孫織之載道升霞體魄綿如
雖藏于壑瑶林瓊枝

鄭邦章大父墓誌銘

縉雲鄭汝璧邦章為北部郎脩行有聲一日改儀
部郎而超大宗伯之屬儀部言大父處士之為人
也聞人善嗟嘆如不及不善掩耳不欲聽儀部兒
時則聞教於處士曰不知為人視其鄰不知為官
視其先吾縉雲某才而清人至今稱之某也殖私
里人不與齒丈夫湏自計久長耳百世後誰論貴

賤哉縉雲多佳山水處士結樓溪中與諸名公為
耆老會意得傾貲治酒不悵家日落意日廣也獨
不喜殺生從漁者網中多縱舍處士父曰宗義生
處士六月而背長於其祖祖諱鑾領歲薦為邵武
丞後以名宦祠處士少問父安在常撫心私泣邵
武以為奇及長繪父像日夕展拜上食如生儀又
祠木主于崇岡岡去所居數里每旦起往灑掃焚
香而後返治事卒五十年未嘗以風雨他事一日
弛也得先人隻字於敗楮間寶之若敦鼎遇外氏

人無長幼如見其母蓋孝者邪余嘗謂世有聞人
無不自其先又始未嘗不渾朴而後乃雋穎也儀
部多竒其先乃若此可銘處士諱文字朝化自號
雙峰主人年七十二卒嘉靖壬戌葬縣之崑山凡
兩娶樊氏麻氏子重側室黃出以儀部前官封員
外郎子婦御史樊君女封宜人女一適周繼組孫
三長即儀部娶周氏封宜人次汝奎娶陳氏汝翼
娶王氏皆諸生孫女二一適樊應奎一許士人丁
元甲曾孫男二士弘士能女三銘曰峯彼崇丘冒

此貞幽先民之特也其休昌其孫子俾百世祀

寧波府知府程公墓誌銘

蓋侯吾郡者有蕩滌煩苛之吏如程府君云府君以壬辰八月來而明年二月去余奉饗歎者不二三而府君之去也余方負土追而送之壩上府君別去則每每念余謂余之交也居踈而行親故後來聲聞數于在郡時而不意遽化也乃府君子雲登徵銘于余公諱文字質夫別號從野系出新都程德謀而自世祖元潭下喪其譜莫考高祖鎮學

於秣陵家焉生三子濛湘漣皆諸生濛二子長郎
公公幼而喪其父母輒能持其家且營且讀丙子
以春秋舉于鄉癸未登第授中書舍人出同鄉相
國許公門新都以門第豪而公家父秣陵與故鄉
不相習擯公為他程公於是乎寡鄉士大夫之援
杜門堦守比考滿遷比部主事或謂公曰相君若
鄉先生且座主也不能為君地耶公謝曰吾未嘗
要之非公之遺之也公在法曹務以氣憐得情為
政枿楊不用而稱肅有憲使者下獄衆謂上意廩

廩未可知也公據法論亦多所蒯濯矣而使者猶憾久之出守寧波會島夷急公與巡海使者丁公戮力若汛防若城守若增戍若給餉若治餘皇若求犀利咸以次舉人恃亡恐時當嚴政後力為簡靜不譙讓質責凡追趨逐嗜者不便而詢循良之實者謂之羽儀竟為脩郤者所中內察左官銓曹以禹州貳煩公而或諷以奮翼渢池尚幸表見乃單車抵禹州未匝月病卒屬纊時獨二蒼侍其孤走數千里從饑饉盜賊中奉喪回而貧無以窀穸

庶吏苦矣公事繼母孝遇其不檢弟慈累喪其訾
累給之無勸色嘗與閩人李生者講藝而生病公
脫內簪珥藥餌之生請後累公亦任之已而生不
死居官每却暮夜金而未嘗以風稜填物布糲讀
書喜討故實暢時務嘗籍古今豪傑為經濟書十
卷配吳氏繼陳氏張氏有子六人其三長即雲登
而次雲會雲從俱十歲雲登舉一孫其壽自辛丑
至癸巳五十有三沈子銘之曰何必氏族乃稱家
隘巷空桑非人耶何必公卿乃稱官鷦鷯大鵬各

自安天殁天袞久已解逍遙白雲應不悔遺儀徂
音揔出倫不在其身在于孫

崔御史母劉氏墓誌銘

余癸未闈中得長垣崔景榮今為御史葬其母孺
人而以志屬余孺人本馬氏父冒母家姓稱劉氏
劉與馬皆邑舊族生而靜慧好勤儉一絲縷必藏
以待用有敏識數歲時即能決其家事歸崔封君
時公之大父母父母咸在伯仲共居伯妻李蚤世
而孺人以次操政姑性容諸子婦勃谿而孺人事

上無失歡御儕輩以禮夕膳晨羞悉取給於十指
夜操女紅佐夫子讀為邑庠增廣生故其大人嘗
嘆曰焉有娶新婦若此而不興者乎已更其姑若
舅之疾病喪葬成掉眩之疾而舅姑之逝也遺幼
子女二如之故也亦遺數歲女皆孺人卵翼而婚
嫁之加所生一等其視所生飲食寒燠有節乃教
即師保之嚴不過然治生生微夫子學亦中廢孺
人曰天豈憤憤人不力焉賈可以生而儒可以大
今景福景祿賈景榮儒諭之曰吾舉汝時有吉徵

榮以壬癸間連得志授平陽理孺人與偕訓曰理
官喜愠動關生死少年從政戒在任情又曰毋以
錢為錢令人愚汝第清廉吾魂夢安矣榮每出孺
人謹箠鑰三日一入蔬水不傳一語買一物戊子
榮入臺迎孺人至京邸謂曰吾眩不能輿騎來榮
按甘肅又戒之曰觀風者觀夫民之苦樂良賊安
之而已也何用空人鷄犬為識大體如此誠敬慈
仁以陰德格天每誦天長人亦長之語置產市物
曰弗虧其值子孫不能守救荒賑災曰忽其出緩

其歸朔望則禮神祇宗祏無敢失怠惟不佞佛戒
戶者勿入師尼以為不足信也閭閻以內無事不親
食不重味衣不重采年來里俗鬪粧好高髻長袖
獨不入崔氏之門有人倫鑒善敗不爽決事愜群
情至是病脾卒于寢年六十有四舉七子而成者
四封公以平陽歲閏封孺人從封丙申歲正月六
日葬城北逮家河之陽葬師余所遣者為楊弘吉
弘吉為余得上壤又謂封公之治家肅而遇其鄉
之人恭蓋藉甚云孺人力貧支儉手迹整理則有

婦才孝慈恭惠動不逾則有婦德授子經術勅戒不爽又有婦識居然一丈夫焉崔之興豈偶銀鐙後漢崔寔母劉有淑德寔臨民政善母有助焉豈其裔耶何其似也銘曰家之將興必有女士食荼葆蓬羞為桃李眎此崔母作衿悅師孝敬儉勤不匱其儀善必可積絲必可累紱其家麟為帝冢史年之不長廕則有餘城北佳阡千禩攸居

范處士暨配張氏合葬誌

余甲戌預禮闈會稽范可奇在選中溫讓而文范

子成進士當拜曹郎而其父卒于家且行余誌其墓誌曰范處士嘗業舉子又常為藩曹掾滿歲無害當捧牒入京師而重去其父八十翁投牒不行於是藩大夫以為孝被以冠裳受之而不服有官弗官名為處士固當諱父中字子信宋紹興中徙自蘇州父吉母韓氏處士既以父老去掾家貧不能具甘旨嘗鬻產力作每食必躬進侍立終日時為筍輿與兄弟共舁而之郊兄弟皆斑白或蹶父輒然笑以為樂父老病不能言君以意迎之輒無

失後蓐卧跪伏床下進飲食摩搔扶抱不去側者
二年父卒喪之有禮不飯僧事繼母凌如其母凌
常曰吾死不忘仲夫婦也友愛備至觴咏如賓朋
然皆前卒而貧叔季二氏子謀鬻廬處士曰若廬
陋不若吾廬易廬而鬻之人傳以為難夫人張氏
舊家女與處士居三十年目不忤視先處士卒年
四十有七而處士年七十有一惟可奇一子婦王
氏二孫肇基肇奎孫女一許嫁王憲副元敬之孫
可奇之第也人推本處士陰德云蓋處士為掾多

活人常有盜刺殺一賈人二僕于郊賈人不殊乞
憐於田父田父指處士廬曰是嘗急人私者貿貿
而至門處士入白父解衣裹創求善藥而活之棺
其死者訴吏求盜抵法資之以歸賈人祈天以為
報蓋處士大都長者也昌其後固宜銘曰美哉佳
城范氏興何以徵之雙玉瑛三千斯年考吾銘

袁體文墓誌銘

三原人有袁體文者初為邑弟子為國子生已抱
其父遺貲治鹽筴江淮間然有異喜趨人之急入

為言某喪不舉某不婚某不娶某不舉火某所有
遺骸不掩某客無歸貲某以無罪繫則當食輟筋
當飲輟竿戚在其顙不問其誠不誠亦不計其橐
有無輒傾之其貲時窮故嘗有諾責而人謂袁先
生終長者若雲中善詩陸無從貧君葬其父母四
明金慧光有雋才君助之娶此其以人著者也君
多好好從諸生講性命之學亦好佛亦好從四方
長者遊又好論天下事南海湛先生天台王先生
皆有書院在揚州君皆出其私錢董葺博士弟子

署其堂以報德曰喻義常被繫杭州買一老人子
為奴券三日當來已不來問之老人夫婦獨此一
兒不忍訣君立還券不問夜夢神君曰汝壽在獄
矣以還奴帝錫汝一紀後果踰一紀又嘗與客飲
奴有竊金亡者偵得之以母為解君曰汝亦念母
哉更贈而遣焉客曰嗟此易辨君亦為黠奴笑乎
君曰假令僕實有母而吾困之曲不在奴矣江都
人傳其事如此君父東稱龍溪公大賈也龍溪有
女弟嫁張某無子而乞君為子比長龍溪於諸子

獨才君故君歸治父業居兩兄兩弟間甚愛後雖
析居共其乏不憊蒸嘗其前母郅逮事其母張與
繼母張皆孝兩娶竄與高妾有子者曰卜曰李竄
所生者堦墀皆諸生兩婦皆張氏兩女嫁李一鯨
秦嘉會卜生坦高生陞俱未婚李生女某未嫁孫
男女五人君名炯稱連山主人生丙戌至戊寅年
五十三喪歸三原堦墀從余弟進士一中學余亦
善君為書其幽銘曰夫天下盡賈也無寧謂賈為
利惟肌膚肝黹不悔若伊人者謂非游長者善賈

之效哉性命之道窅冥萬物佛氏空有在死生之際嗟夫吾觀九京而知體文之所獲孰與嚮群賈多也

高誠初墓誌銘

高氏初有諱行周者事周世宗為天平軍節度使封齊王贈尚書令追封秦王居真定秦王子懷德宋武勝軍節度使封冀國公贈中書令追封渤海郡王謚武穆七傳而有千三朝奉宋武節大夫鎮江路安撫因家焉安撫生厚元鄉進士進士生汝

卷一百一十五

礪 皇明勸農官始居江都汝礪生仁仁生直贈
都察院右副都御史所以贈者直有子曰觀曰某
某之子銓終太子少保南京戶部尚書以前官贈
公也觀生鉞有鄉黨稱以子遷贈戶部郎中遷之
弟曰洵曰滂遷正德辛巳進士終河南按察副使
娶姜氏封宜人有子三人棧櫛格格則署丞公也
字世正號誠初憲副公之筮仕我寧波推官再佐
南雄襄陽入為南京戶部員外郎郎中出守順德
終憲副塞河決卒于官以清幹聞而家皆季君滂

經理有心計則大起季君無子病革寓書順德乞
公為子時憲副已失姜夫人尤愛少子然重弟請
即日遣無何季君卒公喪之如禮事所後母王織
鉅必白毋以是歡盡室聽之廢居力殖一用季君
法憲副之病河上也公挾醫晝夜往至則以視歸
公常以不得養為憾于是伯仲析居取其舊廬曰
余從先人之迹也日延名師講業弗倦試太學高
等試京闈四弗售公為人內剛外和氣宇凝重處
宗族甚厚每當徭必身之衆被其德而不知里有

詭糧于公者伺公于野困之必手券乃已塿聞之
急訴于官官痛以法公顧曰糧事已白不敢煩官
倭亂發閭左給軍公任之督府李公廉其能召與
語始知為年家子益敬焉其後當謁選為王母年
高父不行王知之數趣之乃以隆慶五年詣拜良
醢丞在官八月乞終養歸復數年而母沒值今
皇帝大婚推恩兩京官父母於是持牒赴銓冀得
之觸病輿歸漸以痿痺猶卧治家政隱度不失謂
塿曰汝能從余言博一第余死不憾於是塿詣太

學遲秋試而公不逮臨終謂炆壙曰久病冀復起
不意竟爾汝輩有長兄在必能活汝必敬必愛必
孝喪取成禮勿奢吾生平無媿心唯汝師太史公
知之必乞銘太史謂一貫云而炆等奉命畢喪將
以今歲庚辰八月十六日葬儀真縣陸家墩遣使
來請公以正德庚辰生見白日者六十年配太僕
卿盛公儀女炆壙皆公子銘曰公之死也余嘗
哭之以詞余三過揚而舊遊盡矣能無悲內行潔
與人忠敬賢士敦詩書雖遊於酒而所與皆正人

鳴呼文集卷之五
故生死于輕心之鄉而不緇維高氏于揚最舊使
高子孫皆視此斯庶幾嗚呼有丘若堂其尚敬之

管世臣父贈禮科給事中加贈刑科右給事

中管公墓誌銘

贈公卒後十六年甲戌葬城南新福社又四年戊
寅而一貫追為之銘有四丈夫子大熙大勲大燾
大照大勲舉進士讀中祕書給事禮刑二科督學
四川兩為臨江延平守而伯叔季皆諸生余少與
四子講德暱如兄弟視贈公父行初延平君之舉

戊午也將赴春官贈公閤然憂年明年及延平歸而終其鄉之窶人獨孺悲公沒而無所貸乞以生也有合要不決者悲天歎我平使我父于有司也耆德鯁齒之徒悲無所講其素業也族懿里連悲無范刑而隳其脩也曠不隄閑節不蠹物明我而不忤于時其贈公乎諱植字廷培曰竹西公父曰東塘公福東塘父曰靜菴公俊靜庵父曰南塘公思易思易永樂進士官比部郎以廉敏聞其先楚枝江人遷于鄞由總管可菴公始贈公母為駱孺

人生四子公為次公生時東塘夢日喜曰耀吾宗者兒乎長而受博士家書病脾不能性爽愷喜論於裨官方家之說靡不殫識處稠人中時時為談非是雖里閭俠少年莫不耳化之也東塘公愛客好施贈公日夜視子錢為資而孺人徐更為挫鍼治繃不急于內糗脯醴漿之具未嘗取他子至于今邑人謂東塘達士贈公孝子云孺人家于邑西門既歸父死母更適遺孤良璧纔四歲贈公與孺人抱之三十年畢姻殖產於是乎徐氏有後東塘

公之病公頷頷乎醫藥巫祈卒之日哀毀其孝愛
如此公生弘治辛酉五十有九孺人生正德辛未
三十有三其贈則延平以 莊皇帝覃恩加贈以
明年 東宮正位繼孺人者孫氏無子銘曰莽莽
者林乎窿窿者丘乎天何毘乎惟善之求乎其躬
之不急而嗣之修乎福履之郵乎其旦暮儵至而
公休乎其茂孫子而寧獨遊乎吁嗟乎阡誰合之
溝乎

處士梁雪松暨配沈氏佐室蔣氏合葬墓誌

銘

余所錄癸未士梁銓以宜興令入計奉其所生母
蔣訃泣而告余請追誌其父若母暨蔣母梁氏居
杭州其先仁和博陸鄉農家福生仕仕娶徐生瑄
及璉瑄字大用則所稱雪松居士者生而沉默自
嚴不安農也負笈走都市讀書不就則課子是時
長子鉞有雋才一女嫁葛璋亦名士公使游于儒
並高等受餼庠子鉞舉于鄉公大喜同年有宴有
錄皆醵金為之公一切任不醵金個儻名尤藉明

年鉞落春官鉞謂一第可唾手得而暴摧折因不起公亦失望痿痺至壬子十月而捐館年七十四元配沈孺人者鉞母也早世翁孺人繼之無出而蔣母從旁左右銓暨兄鍾弟錡皆其出方公慟鉞時翁指三子曰公課子非無見焉如命何三子在何知不為鉞公為一咲曰有之吾墓木拱矣又手三子課之然門戶從此索莫而翁視三子如已子蔣亦惟翁是依倚公卒後益以內訌又蕩于火又十年而三子立鍾省掾今為江夏尉銓以進士錡

亦幹局進士奉蔣母宜興邸母大戚曰而父白頭
望今日老寡豈望此又曰爾家以重役破內訌破
爾無破人家故宜興之政有聞焉入覲時護母歸
無何而卒年七十三公與沈母先葬大慈山祖兆
之原今蔣母祔銘曰杭人多豪疇釋耒耜為名高
多儒疇拔畝畝籛詩書一子蹶復一子進似二山
之愚有志竟成斯其人歟茂哉好逑三人同心公
心是酬筭簪者流聿求女師來觀此丘

贈鄧縣知縣華公暨配封太孺人張墓誌銘

夫水有員折而珠玉涵焉折者玉影員者珠響華
氏世世有錫土今己丑成進士者士標令吾鄞有
聲而以太孺人憂去將行而過余謂當奉太孺人
與贈公合乞銘按贈公諱坊字禮卿別號慎菴其
先居無錫之隆亭高祖景榮徙奉塘涇是生萱萱
生津成化間進士歷官叅政有繕塞功清廉不蓄
一錢五子次鑑邑諸生娶于鄒而生鄉進士圻及
公始徙居九里橋太孺人者張氏世居江陰疏黃
村父太學生思一公母王氏始贈公以少慧愛于

叅知公而思一公從叅知為文字交聞孺人端敏
通孝經小學為贈公委禽贈公少失母更母後母
楊而孺人來歸宜其舅姑無何尊人繼捐館與兄
析居抑抑惟兄命而孺人安之方是時贈公治舉
子間以內靡匪孺人主者其後家多故贈公計不
能終誦讀而務生造不逢歲力作不間孺人尤黽
勉強力親井臼之事縣議方田則推公為方田帥
議築城則推公為倡賦不入推公長其鄉之賦而
孺人內給不乏贈公伉儷守高時有雀鼠之及意

不能無御而孺人從傍解忍尤攘垢豈不昂昂居
人上乎故贈公以不較終贈公內行純脩事兄若
父事姊若母而孺人於諸姑妯娌款款無間言始
艱子舉五女而後一歲間側室李舉士標孺人舉
士楨孺人妹畜李莫辨所見出又謂華之世不宜
再隱督兩子束脩厲節食不二味衣不重采而嚴
事經師若尊官夫婦躬治具進之故兩子粲粲卒
成器云丙子士標薦鄉書而贈公卒至是後十八
年孺人卒享年七十有七嗟生雖不及沒有光矣

士標娶倪氏封孺人士楨娶張氏繼尤氏女六壻
為馮墳安希顥鄒游之浦志學黃建任蔡四陽孫
男八象觀象謙象升士標出象晉象鼎象震象蒙
象恒士楨出孫女六銘曰疇不勉精苦躬而能為
生者乎疇不勵操勅行而有成名者乎疇不累仁
培德而閱後興者乎華翁媪之有子也愈于存藏
于斯丘福其後昆

工部主事李適庵墓誌銘

李于鄧世族永樂間諱山如者以人才歷駕部郎

成化間麟以進士至布政使稱心齋方伯堂以進士至工部右侍郎兼都察院左僉都御史稱董山司空嘉靖間維孝鄉進士為廬州府通判稱友軒別駕其先深州人宋丞相昉後十世孫翼仕慶元家焉翼生成成生惠是為駕部祖惠生泰亨泰亨生伯儒是為方伯祖伯儒生鼎鼎生司空司空生別駕娶宗安人生公公諱承嗣字貞立少穎慧司空愛之而司空有長兄曰郡賓公傑傑生正術公維翰稱素封雖司空父子仕宦而郡賓父子每資

之以佐其廉正術卒無子司空命公為之後故曰
承嗣正術之配曰傅嚴而幹公甫七歲事之不少
懈十五遊邑庠二十以資為太學生道遇司空司
空不悅曰吾始期汝今汝以是進邪公曰傅母命
也為國學未嘗限進士司空曰汝不第毋面我于
是公益勉學嘉靖壬子舉應天鄉試己未第進士
初公娶于汪中丞玉生三女未有子而是歲卒公
歸葬汪夫人而更娶于金萬戶楠壬戌授廣平府
推官為部使者董公學所器所按輒挾以行嘗一

疾董公之使不絕於道廣平大霖雨水驟至城不
浸者三版公與僚崔公張公分塞之按視漂溺繫
上藥于纏兩端而活之因酌河間數議以干當事
者率以慈厚行德乙丑奉內召召者上給事中次
御史而公中蜚語得屯部主事人爲之不平公恬
然曰郎何負于我哉無何別駕卒公于別駕爲本
生父不得喪而肅皇至孝推恩于為人後者得
給假治喪公歸以不及養爲恨卒感疾不起年四
十九三子皆國學弟子貞公卒時三子尚幼未葬

又二十四年為萬曆辛卯而塋于正術公之次子
聞公修士云為大宗置祀田助婚與葬澤及于鄉
里為人修幹望之偉丈夫而止是然無忝厥祖父
矣銘曰惟郡城南一里有林鬱然秀者為李郡賓
父子塋父老以歲時登臨其間尚津津乎此翁之
名積而能施死而厚葬達人之情惟屯部君本以
鳳雛鬱為蛾術益隆其聲雖弗永祿而令德炳行
忻忻當世之英善嗣善續宜瘞璧于其膝美哉慈
情彌萬斯年福其雲仍

兗州府知府朱寧江暨配合墳墓誌銘

寧江朱公者諱泰字良甫始予困諸生也邑中士
慰子曰若良甫而縫掖積紀焉司命可攸乎蓋先
生生一章而登秋壇曹偶辟易然七鎩而後舉又
七年而後成進士也成進士時余共試春官嚴事
之既又仕至二千石弄烟水者一紀餘然後卒猶
未稱上壽誰謂河清難俟有志者竟成耳先生始
為永年令永年衍沃然鮮陂池溝洫以時鍾洩也
霖瀝涉月水瀰漲先生亟走東門稽顙于天曰下

吏之罪乎下吏可殛也毋害品庶品庶之罪乎教
不先也移之下吏糞土下吏不知生矣赴陽侯而
已言未畢而大震城樓墮再震則城上屋石如雨
水遂壅已走西門取管蒭之簾數千築之于是先
生力竭矣二子操其腋彊進之先生麾手救郊外
民駕桴出多救多賞生者以萬邑又善涸則相其
宜造數百泉得甘泉於南鄙民亭其眉也以志公
澤西鄙有不任之地百餘里為後渠如干遂大壤
昔西門豹鑿渠十二鄴中父老子弟享之賢人之

流澤若此擢工部主事當肅皇時有天壇暨乾清坤寧兩宮之役大司空雷公謀護作曰無復朱君矣宣力甚多既署荊州廠曰商不出三寶絕吾緩課以勸來者歲滿為郎尋守兗州兗素劇先生雖用寬理而行法不避彊禦坐彊項不能時薦以驩當路竟左官河南先生曰吾終不能向風塵中作首下尻高吏矣解組去而二三知者謂公論且明胡不少屈收桑榆之功無何有福州之命不顧云先生雅儉樸孝友既歸却輿蓋時時葛巾布袍

蕭然散步暇則集其五宗討先代之德而纂為譜
增祠田子其支屬之不嗣者覆其慇不自賴者郡
長重之賓鄉飲者五癸未獻春命子孫毋具謁為
禮書倫紀之要數十餘物及喪葬之數至二十有
六日初度延其親暱為十日飲次月四之日而疾
九之日而卒蓋先生樂志順性以考終云安人范
嫺于婦事自先生韋帶則甘毳二親蒸祠蠲潔寬
先生內顧之憂嘗免身殆太安人曰孝婦也禱於
神而蘇及先生計偕而太安人病每晨起藝簪蕭

祝于天曰傷哉不以嬾也代姑之死以報姑之德
至庀具一無悔焉厥母周寡嫗也獨舉安人耳養
之至死謂先生曰猶有鬼乎不忍其餒也立其宜
後者置之田以供常事其治家無細鉅操作為減
獲先曰吾以法子孫竟以積勞卒蚤于先生者十
有三年筭之減則十有四年也三子皆安人出一
化南昌府通判三娶駱周紀一范國子生再娶金
俞一中庠生未娶卒化子二好禮廩生娶屠家宰
孫女好忠娶汪宗伯孫女女一適李侍御子竣范

子二好信庠生娶聞家宰孫女好謙娶張方伯女
女一適周郡伯子大年禮之子崑聘丁主政繼嗣
女崑聘陳春元之龍女先世天台人御史中丞綽
之裔有文剛者宋末為鄞博家焉曰奇童者永樂
時青州府知府為公曾祖是生詵詵生朴朴生銳
為公父銘曰無悲韞璞珍必見藏無憂製錦工必
靡傷仕宦至二千石歸杖于鄉何必偃僂于道之
旁佐家有泝考其室堂嗚呼雙璧為斯阡光

李子靜墓誌銘

歲戊寅巡按遼東御史李公卒于官遼中丞周公
都督李公暨兵使同牧咸哭如所親賻賵加等櫬
車所經吏民奔號歛貲給力送其喪以歸余心敬
公而止此既為文哭之因識其墓公諱尚默字子
靜唐汝陽王暹之裔靖康中提舉元珎徙慶元數
傳至負外公衍衍生鈺鈺生湘湘生北江公朴是
為公父以公貴稱贈公始贈公四十無子人贊之
娶妾贈公曰吾有二弟尚未娶而畜兩婦哉待吾
婚二弟弟有子即吾子矣無何而贈孺人周孕以

為癥也而下之竟不下彌年而舉公謂德報云公
生而警穎甫就傳不屑童子書日記萬言年十六
則與余同游于庠甲子膺鄉薦戊辰與余同舉進
士授確山尹縣有宦奴怙勢又多王府校堅橫恣
苦民公並無所撓假民以帖寧有權酷錢歲金數
百率以潤前官橐公悉蠲之又設水防開山煤使
民不病于水火匡歲給乏採蓄掩骼未踰時而頌
聲起罹贈公艱以歸服闋補桐城桐近畿邑也奉
給為艱公為定征輸汰冗費清湖糧平冤獄改驛

亭置學田遏中貴之擾苛者譏江盜使屏跡政聲
赫著以治行高等徵拜監察御史嘗監順天鄉試
有朝貴子闖入公法之朝貴為謝罪緹騎某倚帥
威覲囂一方兵馬揚應東發其狀公又法之帥檀
奪緹綺去反轢主者公白簡刻于朝竟罰帥而遣
緹綺即中丞某阿所私御史公奏記糾正不肯假
臺中讓弗及云丁丑奉命行部遼東建旂而往屏
一切威福之奉墨吏有解綬去者其申飭邊備獎
厲學官具有條已而病病濕醫以為痺也汗之甚

遂卒公以誠長者處官所至日月淺而惠愛深其
內行淳備事父母煦嫗若童孺然與所養兄羔居
若同產撫其孤如已出周卹宗黨親友人人意得
仕雖膺卒之日無餘貲官桐城時嘗渡江覆舟隕
五時不死乃死遼也年僅四十有二悲夫娶楊氏
繼黃氏俱無出又繼俞氏生一子一女子竣娶別
駕朱公一化女女字廬生梁楊贈孺人俞封孺人
黃以格不得贈合葬于某鄉之原銘曰溺水可活
繡斧出關去如筭于思于思菽此窟嗚呼子靜其

昌爾姓

貴陽府知府龍泰渠暨配合蔡墓誌銘

龍公諱飛霄王大成公謫鬼國時公負牆焉更曰
翔霄字潛之楚武陵人父曰贈公珣母田氏娠十
四月而生有桂徵幼受業于楊太史長受室于傅
文學督學使甬川張公才諸庠大司馬毛公以部
使者主己卯賓興舉諸鄉卒業于大司成湛公之
門美鬚髯喜與當世賢豪驩抗志自潔耻浮湛無
所見亦游意六書六藝之林旦暮遇晉唐間人居

家未嘗跡公府率先禮其廬而後報之始為閩中
令以嚴理稱龍父曰大吏之治貴大指而已利用
寬吾親民昵之則滋玩而教不行也居十月而邑
人歌之奔贈公喪既免補滇太和令滇文罔䟽倉
粟相因腐輒坐守者公悉出而新之時以餘力除
道梁津行者無第麗江苗與阿彌修怨檄公亭之
不煩兵解包直指䟽公可臺垣而徵書不及擢南
車駕主事進員外郎南戶部郎中為郎八年而守
程番程番今貴陽也諸夷常梗道繕其關梁鄣塞

而與之約曰凡行旅見禦職汝之由汝其為予償
不則法于是夷亡敢犯郡有文學卒史陰搆夷公
收之以絕兵端境與粵泗城接群不逞越而躋子
以市酋豹憚公不敢入躋者嘗反安順顧氏獄活
死者七人金石司事起開府將兵之長官石懼請
公蒞治公繫其首事者尋罷兵又拓學宮布功令
代督學錄六郡生歷三考而時大墨張甚非金不
徙官公焚其程書以老垂橐而歸公雖貧而赴義
如不及同官袁鎮遠死常邸公賻而歸其襯思南

高吏目滿考鬻息女行公給資斧而贖其女于時
監司長吏率嚴事公鄉射則賓鄉約則主 穆廟
之覃恩也進階中議大夫己巳十月以天年卒比
庚寅季子滿秩進中憲大夫傳恭人長公三歲而
生時月日如公皆四月二十六日夫婦如賓善力
作以佐廩自帷薄及房皇無失色自舅姑及奴隸
無失言戊辰冬無疾而逝蓋先公一歲也封安人
亦以季子贈恭人合葬郡東北牛谿之原子四長
德中竹溪庠生次德化鄉進士判徽州府次德懋

青陽庠生次德孚鄉進士為吾郡倅女一適郡庠
生張九皋諸孫章卜亮立並廩于庠次言季襄並
舉于楚膺進士教國子宁幼沈一貫曰龍使君之
倅我也公庶不發私書嘗自稱曰士貴行其志既
在公家終不受人頤指矣故難惑以非而民見其
德余又知國子君伉伉持節槩左其官而能批

天子之鱗比賈誼劉向斯龍氏之種哉乃今志貴
陽公來遠矣銘曰於惟楚龍有其神穴誰伊荒之
責陽截窠來章用譽世英翱翔處蟠其鱗出踈其

光整民以義肅已以禮至今牂牁為天子鄙鴻
飛致臣方其嗣昆儉而弘施貴且食貧厥儷毗德
奮于柔職川暉岳靈衍四為億我我吐符幽幽納
真鬱盤翠壘千斯萬春

江西按察司僉事徐子器墓誌銘

世傳徐偃王死葬隱學山故是郡之徐多祖焉公
諱待字子器居太白山六世祖正西安府推官曾
大父謙謙生節某州司訓至岷府教授節生封公
明公父也為邑諸生母封孺人葉氏弱冠補弟子

員庚午舉於鄉甲戌第進士為同安令同安俗縉紳士分門而植自斗粟之隸陽役於公而內輸情於巨家令榻間一顰笑即蹤跡肖貌之矣公至中局外杜設誦寃之旌於廡下小民號天者自田間來立見白撰金市中者囊未入而吏已捕之皆駭公神明然公實寬然長者嘔喻小民獄必以情嘗為邑持鹽政爭之當道蠲其額外贏俗故情舍四民業而為奸公立法變博鞠椎埋之習為桑農絃誦懷緇黃之通以寬邑入而以其餘業士之貧者

邑饒滯牘前吏率秉燭視事而公獨多暇進青衿
之後月三試之即鄉塾師教小兒者必呼之試試
可乃許大要惠威張弛相提而用民視之為慈父
母而獨不能巨家則飛語構之部使者曰我素知
髯令幸無他也在同安滿考封父母無何奔封孺
人喪未抵家而封公亦卒服闋補河間令所以為
河間省供億輕繇役者率視同安然不必如同安
勤俗故朴也用異等召為湖廣道御史會江陵物
故一時朝事紛紛始為釐敝而黠者隨快其胸臆

政在臺省大吏亡誰何矣公曰夫獬豸所以觸邪也而化為訓狐窮竒不亦恥邪于是宅心若淵莫適為好正人恃以為固隨行部三輔間下令曰諸不足煩乃公惟殘墨吏漁吾民則真乃公事晨朝見屬吏從中指一人曰我知若不職狀則又指一人曰我知若某事亡狀甚者褫其綬或自解去其猶可覆茹者則為期使改吏見之若家置一御史而民不知有御史也功令臺垣缺于邑今及郡理取故使者于二臣多假而公獨否人有不堪者俄

出為江右按察治水使雖右遷實奪之權也公夷
然一日裝就道抵任見菜色者泫然出私醵六百
金粥之江右圩而田水波數啣之公輦輅阡陌聞
版築戒備民歡然望曰吾使君至矣晨不避霧露
夏不避暑毒窮陬下邑將必有車轍馬跡焉而暑
已著體痿踰月卒時萬曆丁亥也年五十六公性
孝既貴孺慕彌切初封公嘗與不逞者隙而會不
逞者病死則脅賄公倒橐賄之人謂公曰書生怯
邪國家有三尺此一訊決耳何空尊公朝夕具飽

餓鴟為公嘆曰吾父脫屣博士而祭酒于此鄉也
即安車蒲輪至猶當稱憊不起而今搶首對獄吏
乎人乃嘆服友愛天至亡敢言析產及疾革問公
公曰一弟二子三分之割其旁共紀事人誦以為
厚云公弟名德二子有梗有楠皆孺人謝氏出為
邑諸生有梗娶忻氏有楠娶傅氏女三一適傅光
偉其二一許定海生丁從堯一許余子泰鴻俱夭
于室孫男四承勲承烈承熹承照己丑葬李洞山
之陽銘曰胡太白之顛顛而毓君胡小白之谿壠

而塿君扃大用于鬱壤豈天之戩以穀君

吉安府知府三岡葉公墓誌銘

嘉靖初大禮議起吾邑豐學士熙爭之戍死王太
史相死杖下葉公為郎杖不死竟淪于陳洸之獄
隆慶改元有 詔卹枉者而豐公贈少宗伯王公
贈尚寶少卿官其子惟葉公莫言恩弗及談者以
為缺事乃其孤萬景自拔于進士如其官天道蓋
未爽哉公諱應驄字肅卿姓葉氏鄞人也為人勁
峻長身朗髯鬚言有序年十五補縣學生正德癸

酉以春秋魁于鄉丁丑第進士授刑部主事直京
兆訟牒文無害已外從諸郎諫南巡繫闕下五日
杖幾死轉員外郎郎中益練于法權貴憚之為尚
書壽光趙公所知肅皇帝初張桂倡大禮議方
霍和未決而席都御史方被論附之擢禮部尚書
公從朝士伏闕爭復下詔獄杖幾死于是有潮陽
陳洸者緣為吏科給事中訐其知縣宋元翰元翰
為錄以辯寃而潮陽男子林鈺寡婦賴等謾起詣
闕吏部出洸為僉事將斥之洸乃上書盛譽璵等

而効吏部尚書喬宇選郎夏良勝得復官而良勝
左矣因擊大學士宏尚書金獻民趙鑑侍郎汪偉
吳一鵬朱希周郎中劉天民薛蕙余才給事鄭一
鵬皆目為邪黨當誅已復擊吏部尚書楊旦郎中
劉勲 上為罷旦偉蕙而逐天民洸得氣呌囂無
虛日於是給事中趙漢等御史朱衣等交彈之御
史張目韜戴金又特彈之而御史藍田以辯冤錄
進都御史王時中請罷洸回籍聽撫按問不許洸
因訐時中朋黨令撫按殺已而請遣緹騎往冀緹

騎可以私也於是命公與錦衣千戶李經往公往則與經誓天而合御史熊蘭涂相叅政李銳叅議汪思副使胡璉僉事施儒知府唐昇等雜治具得洸事問知縣寃狀曰洸元翰父所錄士也元翰始至雅善洸後諭其譎疎之而劇盜曾鉅頭嘯聚千餘人洸與交通有司督捕急則為乞撫比數撫數背洸事頗泄元翰決剿之而洸復以撫強元翰竟破縛之得洸手書隙遂成令其子更訐元翰受盜金當元翰戍賊多不得遣副使汪鉉廉而釋之去

之日民為樹碑以表義憤云公奏洸貪淫無厭獵人婚姻牟人田土有鳥獸行其子擅殺人污巖縣官而橫嫁以罪陰蓄亡命鹵掠人財為盜賊淵藪臣勘其卷多至一百七十二宗除赦前及疑曖者勿論當論者尚十三宗連繫三百餘人凡二十餘年間坐累死徙者數十餘人洸當寘重典初公在廣時洸使人詐為緹騎偵公事以嚇公按察使張祐副使孫懋執而詰之公益忿凡七訊而後成而洸亡詣闕下誣問官皆議禮黨而葉某為之首於

是上持洸獄欲再下撫按而巡按涂相奏遣至
尚書趙鑑副都御史張潤給事中解一貫御史鄭
本公等爭執奏而下郎中黃綰當洸死席數居間
不得則嘻曰且及我矣救之未報而桂與趙尚書
詈于朝尚書以聞上不問也時方傾輔臣而張
學士尤用事因要之傳奏言洸議禮臣也嘗劾大
學士宏而法官朋黨中以法於是洸宥死為民矣
大理卿湯沐爭之不聽趙尚書解給事及主事王
鳳靈等更爭之不聽御史吳鎧言璉等墮洸計

中而不知報聞亡何進大禮集議加恩洸而家屬
並從青宥矣丙戌遷公告安知府隨奔母喪丁亥
洸為廣東按察使周宣潮陽知縣伍鎧所急亡京
師令人上書誣公鬻獄掠殺人而宣鎧輩朋黨陷
已桂為之請盡械前後問官詣京師而罷張祐孫
懋官夫威怒出特旨非法司所宜請也桂請之異
矣而吏部侍郎方獻夫又請再勘曰宜遣緹綺乃
遣千戶陳紀往而公是時已就逮下詔獄踰年戊
子紀上獄詞皆洸所自為者九卿廷治之對曰驄

所持者三尺耳必欲直洗惟諸公顧如神明何黃
霧四塞弗竟明日又大風拔木詔修省勿用刑而
公在廣時未嘗鞭一人賄事亦無跡死不承乃當
奉制按事不實律為民而絀降二級調遠方鎧罪
徒藍田為民唐昇降三級遠方凡經勘官各罰俸
而洗冠帶閑住矣又出郎中劉勲御史熊蘭涂相
罷叅政李銳僉事施儒皆特刺洗與洗所刺者是
獄也部寺科道大都出貴臣門下且懼于大獄之
餘卷舌無復聲公既抱誣歸而洗事仍行撫按官

撫按率相仗不敢結洗黨謀益切辛卯復令人奏
公勘殺人下巡按邵函函覽卷而大息洗黨輒除
其名令人訐御史聽囑辭連修撰蕭與成御史陳
大器知府鄭漳顧遂又下之巡按於是御史李美
言死者皆有狀非勘官斃之洗言妄刑部尚書許
讚言干上曰是情白無可覆而俄有旨以為聽
首釀冤獄遠戍遼陽鐵嶺衛蓋令也非律也而函
大器與成坐賄囑漳遂坐規避矣自洗事起士大
夫罹禍者未易更僕猶猘狗之無弗噬而公最鍾

毒云壬辰道姑蘇聞守且治具遂解纜去守追之
不及遣吏致餽雖食餌弗受其介如此事具吉安
陳公良謨見聞紀訓中抵遼常籌彊事暇則與士
大夫論經史甲午皇子生大赦而沈黨未潰不預
丙申上覃恩天下刑部奉詔錄戍者一百四十
二人有赦有留而公幸在數中得釋歸戍戍明堂
大享禮成復冠帶焉公為人骯髒負氣節嘗以三
綱為已任自謂可托孤寄命也與人交無貌言而
議論天下事即敢任有力諸長吏來必聞其政而

未嘗及私倭難起曰昔陸子壽之事在我矣直任
保聚之計擘畫海上鑿鑿當機要鄉黨倚重急人
之難甚於己獎人之善如恐不及治家愛而嚴賜
環三年而父始捐館人以為孝感友愛同產悉委
所遺業好讀書為文下筆滾滾千餘言詩冲夷如
靖節善隸書勁直自成一家所著有五經釋疑春
秋別傳使學赴逮在獄從軍同戍諸公倡和義樂
吟居鄉詠歸來諸藁自卜藏于太白中峯丙辰九
月病瘡卒年六十有七父北園公明封刑部主事

母馬氏封安人娶魏氏封安人繼娶陳氏子萬春
庠生娶包氏繼楊氏董氏次萬冬未娶卒萬景其
最少者母宮氏早從戎久之乃舉景公卒時纔四
歲宮又從萬死中長育成就之取庚辰進士今為
永州知府娶俞文學睿女孫男二光亨萬春出震
亨萬景出曾孫二舜臣禹臣光亨出公歿三年而
寧波府志列于忠節之林八年而光亨殯于中峰
之吾寧軒光亨尋卒不克葬二十年而萬景始定
是為今望阡則萬曆乙亥銘曰昔王金陵行新法

而與舉朝士大夫為讐僉士遂踐其隙流禍于黨
碑張永嘉之世亦然有意乎勝天下事發相激去
者皆仇怨來者皆親戚豺虎安得不多嗜嗜安得
不博余嘗紀金匱而悲之今為葉公志加詳余寧
為葉公痛亦為諸公痛乃葉公有子矣豈惟葉公
有天蓋國有天而無宋之南也嗚呼後之柄國者
宜視此銘

通許令錢君墓誌銘

錢士鰲為其仲兄通許令乞銘曰不肖士鰲兄弟

五人而不肖最少也仲先不肖十五年不肖之在襁褓也仲懷之學武也持之飯之句讀也夜提之而朝起之不肖之侍仲若有所束而溘然逝矣學不能究其材官不能究其用年不能究其神庶銘之以重九原乎我先世本會稽天順間大叅公某從閩歸家于錢塘之許鳳凰山之原四傳而至先君濂兄其仲名夢鰲字中立廣顙豐下十六為邑諸生入擯於鄉而嘗術者卜以曹字術者曰君阨諸生豈廿四載乎日且遭矣是歲為丙子以恩選

於鄉比試於部試於廷皆高等試於闈入穎陽震
川兩公之轍人謂仲久蹶不起起當平行雲霄間
而丁丑復蹶庚辰罹先君憂癸未偕不肖並蹶丙
戌不肖幸而仲復蹶曰母老矣吾聊仕以歡母乃
謁為通許令居兩年不肖守六安去許千里疾
馳可五日達不肖迎母於六而仲謂母憐少子也
不敢強而之許筐筥屬於途六年矣倏以凶來痛
哉仲之於許也有田疇則開之有子弟則教之歲
大侵且水有漂於河棄於道則賑之小兒則收而

分諸嫗育之邑中無兒者爭請為兒不知何許兒也而嫗與兒又俞俞不忍別仲哀之作送兒文許之士有咸平牧紀云仲嫂之德於不肖也先君每謂嫂而母兄而父也嫂又善婦母一時不見嫂不歡故吾母之六嫂伴而之六起居旬日而後之許嫂之許携二媵往仲嚮無子舉一子以咸平名之嫂先仲逝於官不肖兄弟間友于最篤初家落仲起文而叔起家叔名起鰲於是仲疾思掛冠叔謂我有薄田敝廬在可與兄白首遣其子兆元之許

奉之歸而不待矣仲雅最不肖毋墮越以辱師門
乃歿於官行李蕭然士民送之若送其父母儻庶
幾不辱於師門乎幸賜之銘余悲而銘之銘曰錢
於五季活人以億百爾子孫是福可食為越為吳
疇匪爾宅既蹶復興視潮代汐居曰鵲鵲翔曰鳳
凰顧吟啾啾和鳴鏘鏘惟孝與友施于一方豈其
為政必巖之廊為子不卒有視爾毋為父不卒有
縣爾後雖有桐鄉不如丘首毋悲莫聞銘乎汝父

明故江涪陵公墓誌銘

江涪陵新安著姓也嘗判涪州故稱涪陵公歿十
年而冢嗣秉謙登庚戌進士令吾鄆將謀竊事問
銘始公歸自涪脩祖塋令高敞注念在令君宜令
君念之莫可釋也公諱應曉字覺卿大父廷俊父
濟娶畢繼娶黃生公幼而穎拔日誦千餘言塾師
屢遜席稍長受尚書為制舉義輒傾其曹而秋比
不售遂負笈入北雍時大司成虎林高文端公特
加器重而嶺南李海雲以理學名討聖賢之秘藉
甚公卿間復不售喟然歎曰大丈夫當縱游宇宙

自廣耳目遇不遇命也策杖出都門登岱嶽下嚴
灘選勝探幽東南之屐齒幾遍既歸卜築于高
皇帝駐蹕之山曰是凜凜者臣子所宜顧諟也出
篋中書讀之自墳典丘索以及稗官小說無不漱
精擷華會心處見對問二編居二十年有終焉之
志會有以陶彭澤勸駕者就選得涪州曰游吾志
也吾不喜得涪州喜巫雲峽水峨眉白帝在我挾
藻間耳涪人聞公博雅就而質疑履滿戶外一時
名碩如張太保峇來曹選部芳葵咸折節下而李

侍御文軒海雲子也與公遊為昆弟驩浥之李渡
江流深塹驚師利厚糈往往以重載溺公嚴為之
禁多全活至今猶賴焉判務原簡及攝棠城自矢
士如處子清白是基一切自下封上秋毫不染居
恒好吟咏然曹事不廢也乃竟以游北巘一詩為
忌者所中詩云四壁青山應笑我一官白髮尚由
人梵鍾不省邯鄲夢金粟誰云是後身蓋公嘗游
棠城報恩寺林園宛然在目扣其開山師字同名
生同干故云而忌者云誰縛汝遂老公性至孝侍

父疾衣帶不解者兩月事母得其歡歲時祀前母
黃必虔迨繼母汪尤兢兢盡禮撫仲弟遺孤不啻
父之恤季弟如其子諒直無城府重然諾嚴取與
人有急不惜損貲以赴賢豪樂與之遊即始以嚴
而攝公者久之亦信其無他而狀中又謂學問淵
源千載砥礪不愧古人居處厚于人倫稱詩合于
風雅則公實錄也夫士欲矢口譚辭譏稱往牒動
關樞機夫何容易昔人欲自見生平每于尚論發
之余觀對問編不嚴陳舊抒陳性靈贍而有體約

而不踰養覃論夷可以芳馨不窮矣鯀禹之際若
親見之州吁而下悉中肯綮蘇季嫂妻又何料俗
態之深摯也東芻諒賢達之孤情四子標文人之
知己持此道以應世真可泣鬼神通鄙逸若夫談
天眇論不詭往賢顧八荒之遠見聞希有以余所
聞于西極利君者尤異惜乎未相見也諸所持論
大恢常目憶窮三篋譚極五車末簡惓惓于撰述
嗟虞卿悲子雲思悠哉桓譚曰必傳予亦云然斯
可想見其為人而論公之世矣宜令子之治我超

卓如此必此而議國是贊廟謨庶其有中夫公生
嘉靖庚寅正月十七日卒萬曆戊戌十月十四日
享年六十有九初娶吳孺人繼汪孺人子三長即
令君娶汪次秉羔娶程次秉薰娶潘女二男孫三
玉冰玉波玉荷女孫二以某年某月某日奉寔某
山遂系之銘銘曰不懋材諝安名丈夫爰塞爾儒
亦剖厥瑜驤首天衢什不一紆終有神駒丕承考
謨以賁黃壚